



PEKELILING PESURUHJAYA PERLINDUNGAN DATA PERIBADI BILANGAN 1 TAHUN 2022

KEPERLUAN UNTUK MENDAFTAR SEBAGAI PENGGUNA DATA DI BAWAH AKTA PERLINDUNGAN DATA PERIBADI 2010 [AKTA 709]

1.0 TUJUAN

Pekeliling ini bertujuan untuk menasihati Golongan Pengguna Data sebagaimana yang diperincikan di dalam Perintah Perlindungan Data Peribadi (Golongan Pengguna Data) 2013 [P.U.(A) 336] dan Perintah Perlindungan Data Peribadi (Golongan Pengguna Data)(Pindaan) 2016 [P.U.(A) 326] mengenai keperluan untuk mendaftar sebagai Pengguna Data selaras dengan seksyen 14 Akta Perlindungan Data Peribadi 2010 [Akta 709].

2.0 LATAR BELAKANG

2.1 Akta 709 diwujudkan untuk mengawal selia pemprosesan data peribadi dalam transaksi komersial dan mewujudkan persekitaran elektronik yang selamat untuk meningkatkan keyakinan di kalangan pengguna kemudahan rangkaian dan bukan rangkaian bahawa maklumat-maklumat peribadi mereka adalah dilindungi.

2.2 Pejabat Pesuruhjaya Perlindungan Data Peribadi berfungsi sebagai sebuah badan kawal selia untuk memastikan tiada penyalahgunaan data peribadi yang dijadikan komoditi yang boleh diurus niaga serta diceroboh oleh seseorang lain atau pihak-pihak lain. Akta 709 merupakan undang-undang pematuhan (*compliance legislation*).

2.3 Seksyen 13 hingga 20 Akta 709 memperuntukkan keperluan pendaftaran bagi Pengguna Data dan prosedur yang berkaitan dengan pendaftaran. Bagi maksud Akta 709, Pengguna Data ditafsirkan sebagai seseorang yang sama ada berseorangan atau bersesama atau bersama dengan orang lain memproses apa-apa data peribadi atau mempunyai kawalan terhadap atau membenarkan pemprosesan apa-apa data peribadi, tetapi tidak termasuk seorang pemproses data.

2.4 Selaras dengan seksyen 14 Akta 709, Pengguna Data yang tergolong dalam mana-mana Golongan Pengguna Data yang dinyatakan dalam Perintah Perlindungan Data Peribadi (Golongan Pengguna Data) 2013 [P.U.(A) 336] dan Perintah Perlindungan Data Peribadi (Golongan Pengguna Data)(Pindaan) 2016 [P.U.(A) 326] hendaklah berdaftar di bawah Akta.

3.0 GOLONGAN PENGGUNA DATA

Pengguna Data yang tergolong dalam tiga belas (13) Golongan Pengguna Data diwajibkan untuk berdaftar di bawah Akta 709 sebagaimana berikut:

1. Komunikasi
 - (a) Pemegang lesen di bawah Akta Komunikasi dan Multimedia 1998 [Akta 588]
 - (b) Pemegang lesen di bawah Akta Perkhidmatan Pos 2012 [Akta 741]
2. Perbankan dan institusi kewangan
 - (a) Bank berlesen dan bank pelaburan berlesen di bawah Akta Perkhidmatan Kewangan 2013 [Akta 758]
 - (b) Bank islam berlesen dan bank islam antarabangsa berlesen di bawah Akta Perkhidmatan Kewangan Islam 2013 [Akta 759]
 - (c) Institusi kewangan pembangunan di bawah Akta Institusi Kewangan Pembangunan 2002 [Akta 618]
3. Insurans

- (a) Penanggung insurans berlesen di bawah Akta Perkhidmatan Kewangan 2013 [*Akta 758*]
 - (b) Pengendali takaful berlesen di bawah Akta Perkhidmatan Kewangan Islam 2013 [*Akta 759*]
 - (c) Pengendali takaful antarabangsa berlesen di bawah Akta Perkhidmatan Kewangan Islam 2013 [*Akta 759*]
4. Kesihatan
- (a) Pemegang lesen di bawah Akta Kemudahan dan Perkhidmatan Jagaan Kesihatan Swasta 1998 [*Akta 586*]
 - (b) Pemegang perakuan pendaftaran suatu klinik perubatan swasta atau klinik pergigian swasta di bawah Akta Kemudahan dan Perkhidmatan Jagaan Kesihatan Swasta 1998 [*Akta 586*]
 - (c) Pertubuhan perbadanan yang didaftarkan di bawah Akta Pendaftaran Ahli Farmasi 1951 [*Akta 371*]
5. Pelancongan dan Hospitaliti
- (a) Orang berlesen yang menjalankan atau mengendalikan suatu institusi latihan pelancongan, pengendali pelancongan berlesen, agen pelancongan berlesen atau pemandu pelancong berlesen di bawah Akta Industri Pelancongan 1992 [*Akta 482*]
 - (b) Orang yang menjalankan atau mengendalikan suatu premis penginapan pelancong berdaftar di bawah Akta Industri Pelancongan 1992 [*Akta 482*]
6. Pengangkutan
- (a) Malaysian Airlines System (MAS)
 - (b) Air Asia
 - (c) MAS Wings
 - (d) Air Asia X
 - (e) Firefly
 - (f) Berjaya Air
 - (g) Malindo Air
 - (h) Malaysia Airlines Berhad

7. Pendidikan
 - (a) Institusi pendidikan tinggi swasta berdaftar di bawah Akta Institusi Pendidikan Tinggi Swasta 1996 [*Akta 555*]
 - (b) Sekolah swasta atau institusi pendidikan swasta berdaftar di bawah Akta Pendidikan 1996 [*Akta 550*]
8. Jualan langsung
Pemegang lesen di bawah Akta Jualan Langsung dan Skim Anti-Piramid [*Akta 500*]
9. Perkhidmatan
 - (a) Suatu syarikat berdaftar di bawah Akta Syarikat 2016 [*Akta 777*] atau seorang yang mengikat perkongsian di bawah Akta Perkongsian 1961 [*Akta 135*] yang menjalankan perniagaan seperti berikut:
 - (i) undang-undang;
 - (ii) audit;
 - (iii) perakaunan;
 - (iv) kejuruteraan; atau
 - (v) arkitek.
 - (b) Suatu syarikat berdaftar di bawah Akta Syarikat 2016 [*Akta 777*] atau seorang yang mengikat perkongsian di bawah Akta Perkongsian 1961 [*Akta 135*], yang menjalankan perniagaan runcit dan perniagaan borong yang ditakrifkan di bawah Akta Kawalan Bekalan 1961 [*Akta 122*]
 - (c) Suatu syarikat berdaftar di bawah Akta Syarikat 2016 [*Akta 777*] atau seorang yang mengikat perkongsian di bawah Akta Perkongsian 1961 [*Akta 135*], yang menjalankan perniagaan agensi pekerjaan swasta di bawah Akta Agensi Pekerjaan Swasta 1981 [*Akta 246*]
10. Hartanah
 - (a) Pemaju perumahan berlesen di bawah Akta Pemajuan Perumahan (Kawalan dan Pelesenan) 1966 [*Akta 118*]

- (b) Pemaju perumahan berlesen di bawah Enakmen Pemajuan Perumahan (Kawalan dan Pelesenan) 1978, Sabah
- (c) Pemaju perumahan berlesen di bawah Ordinan Pemaju Perumahan (Kawalan dan Pelesenan) 1993, Sarawak

11. Utiliti

- (a) Tenaga Nasional Berhad
- (b) Sabah Electricity Sdn. Bhd.
- (c) Sarawak Electricity Supply Corporation
- (d) SAJ Holding Sdn. Bhd.
- (e) Air Kelantan Sdn. Bhd.
- (f) LAKU Management Sdn. Bhd.
- (g) Perbadanan Bekalan Air Pulau Pinang Sdn. Bhd.
- (h) Syarikat Bekalan Air Selangor Sdn. Bhd.
- (i) Syarikat Air Terengganu Sdn. Bhd.
- (j) Syarikat Air Melaka Sdn. Bhd.
- (k) Syarikat Air Negeri Sembilan Sdn. Bhd.
- (l) Syarikat Air Darul Aman Sdn. Bhd.
- (m) Pengurusan Air Pahang Berhad
- (n) Lembaga Air Perak
- (o) Lembaga Air Kuching
- (p) Lembaga Air Sibu
- (q) Pengurusan Air Selangor Sendirian Berhad

12. Pajak gadai

Pemegang lesen di bawah Akta Pemegang Pajak Gadai 1972 [*Akta 81*]

13. Pemberi pinjam wang

Pemegang lesen di bawah Akta Pemberi Pinjam Wang 1951 [*Akta 400*]

4.0 PERMOHONAN UNTUK PENDAFTARAN

4.1 Suatu permohonan bagi pendaftaran sebagai Pengguna Data dibuat melalui Sistem Perlindungan Data Peribadi (SPDP) melalui pautan <https://daftar.pdp.gov.my>.

4.2 Bayaran fi pendaftaran sebagai Pengguna Data adalah dikenakan secara tahunan dan boleh dibayar mengikut tempoh yang dikehendaki oleh Pengguna Data maksimum sehingga sepuluh (10) tahun dengan kadar tahunan yang akan dikenakan adalah seperti berikut:

BIL	PENUBUHAN PENGGUNA DATA	FI PENDAFTARAN / SETAHUN
1.	Pemilikan Tunggal	RM100.00
2.	Perkongsian	RM200.00
3.	Syarikat Sendirian Berhad	RM300.00
4.	Syarikat Awam Berhad	RM400.00

4.3 Selain daripada fi pendaftaran, setiap permohonan hendaklah juga disertai dengan dokumen berikut:

- (a) Jika Pengguna Data ialah suatu Syarikat Sendirian Berhad atau Syarikat Awam Berhad, suatu salinan memorandum persatuan dan perkara persatuan; dan
- (b) Jika Pengguna Data adalah selain suatu Syarikat Sendirian Berhad atau Syarikat Awam Berhad, suatu salinan dokumen konstituen yang di bawahnya Pengguna Data itu ditubuhkan.

4.4 Seseorang Pengguna Data yang berada dalam dua (2) atau lebih Golongan Pengguna Data hendaklah membuat permohonan bagi pendaftaran secara berasingan bagi setiap Golongan Pengguna Data yang dalamnya Pengguna Data itu berada.

4.5 Selepas permohonan diterima, Perakuan Pendaftaran akan disediakan kepada Pengguna Data. Tempoh kesahan sesuatu Perakuan Pendaftaran bermula dari tarikh bayaran diterima daripada Pengguna Data.

5.0 KEGAGALAN PENDAFTARAN

Seseorang yang berada dalam Golongan Pengguna Data yang didapati memproses data peribadi tanpa suatu Perakuan Pendaftaran adalah melakukan suatu kesalahan di bawah seksyen 16(4) Akta 709 dan boleh, apabila disabitkan, didenda tidak melebihi RM500,000.00 atau dipenjarakan selama tempoh tidak melebihi tiga (3) tahun atau kedua-duanya.

6.0 KUAT KUASA

Pekeliling ini berkuat kuasa pada tarikh ianya ditandatangani.

Sekian, terima kasih.

“WAWASAN KEMAKMURAN BERSAMA 2030”

“BERKHIDMAT UNTUK NEGARA”

Saya yang menjalankan amanah,



(MAZMALEK BIN MOHAMAD)

Pesuruhjaya

Perlindungan Data Peribadi

Tarikh: **//** Februari 2022